

XDP

1918-yil
21-iyundan chiqqan
boshlagan

№16, 2022-yil 20-aprel,
chorshanba (32.710)

O'zbekiston OVOZI

Ijtimoiy-siyosiy gazeta

Barchaga g'amxo'rlik — davlatning burchi

МАҲАЛЛАБАЙ ИШЛАШ ТИЗИМИ НАТИЖАДОРЛИГИ ТАНҚИДИЙ ТАҲЛИЛ ҚИЛИНДИ

**«ОДАМЛАРНИ
РОЗИ
ҚИЛМАГАН,
ИНСОН
ҚАДРИНИ
ТУШУНМАГАН
РАЎБАРЛАРГА
ОРАМИЗДА
ЎРИН ЙЎҚ».**



Президент Шавкат Мирзиёев раислигида 19 апрель куни маҳаллабай ишлаш тизими натижадорлигини ошириш ҳамда аҳоли бандлигини таъминлаш масалалари юзасидан видеоселектор йиғилиши бўлиб ўтди.

2

O'zbekiston Respublikasi Prezidentining
MATBUOT XIZMATI

Ўзбекистон Республикаси Президентининг
ҚАРОРИ

ХУДУДЛАРДА ТАДБИРКОРЛИК ЛОЙИХАЛАРИНИ МОЛИЯЛАШТИРИШ МЕХАНИЗМЛАРИНИ ЯНАДА КЕНГАЙТИРИШ ЧОРА-ТАДБИРЛАРИ ТЎҒРИСИДА

Худудларда амалга оширилаётган тадбиркорлик лойиҳаларини молиявий қўллаб-қувватлаш, тадбиркорлик ташаббусларининг ўз вақтида амалга оширилишини таъминлаш орқали кичик ва ўрта тадбиркорликни янада ривожлантириш мақсадида:

1. Инвестициялар ва ташқи савдо вазирлиги, Молия вазирлиги ҳамда Марказий банкнинг кичик тадбиркорлик субъектлари фаолиятини молиялаштириш учун тижорат банкларига Тикланиш ва тараққиёт жамғармасининг маблағлари ҳисобидан 300 миллион АҚШ доллари эквивалентида кредит линиясини ажратиш тўғрисидаги таклифи маъқуллансин.

2. Белгилансинки: кредит линияси тижорат банкларига 7 йил муддатга, шу жумладан, 3 йиллик имтиёзли давр билан йиллик 10 фоиз ставкада миллий валютада ажратилади;

тижорат банклари томонидан кредитлар ишлаб чиқариш ва хизмат кўрсатиш соҳасидаги лойиҳаларни амалга ошириш (бундан қурилиш, савдо, воситачилик соҳасидаги лойиҳалар, шунингдек, акцизосоти товарлар ишлаб чиқарувчилар, давлат корхоналари ва устав жамғармасида (устав капиталида) давлат улуши

мавжуд бўлган юридик шахслар ҳамда айланма маблағларни тўлдириш ҳолатлари мустасно) учун йиллик 14 фоиз ставкада, 5 йилгача муддатга, шу жумладан, 2 йилгача бўлган имтиёзли давр билан 5 миллиард сўмгача миқдорда ажратилади;

тадбиркорлик субъектларининг фаолият даври 6 ойгача бўлганда 1 миллиард сўмгача, 6 ойдан 1 йилгача бўлганда 2 миллиард сўмгача, 1 йилдан 2 йилгача бўлганда 3 миллиард сўмгача, 2 йилдан 3 йилгача бўлганда 4 миллиард сўмгача ва 3 йилдан ошганда 5 миллиард сўмгача кредитлар ажратилади;

кредит линияси маблағларининг камида 70 фоизи Нукус шаҳридан, вилоятларнинг маъмурий марказларидан ва вилоят бўйсунувида бўлган шаҳарлардан ташқари худудларда фаолият кўрсатаётган тадбиркорларга ажратилади.

3. Мазкур қарор доирасида ажратилган кредит линиясидан самарали фойдаланилишини мувофиқлаштириш Бош вазир ўринбосари С.У.Умурзаков томонидан амалга оширилади ва унга қуйидаги вазифалар юклатилади:

Давоми 2-бетда. ▶

Янги таҳрирдаги «Йўл ҳаракати қоидалари»:



6

КИМГА ҚАНДАЙ?

Маълумот ўрнида яна шунга айтишни истардимки, 1 майдан бошлаб аҳоли пунктларида транспорт воситалари ҳайдовчиларига меъёридан ортиқ баландликда мусиқа тинглаш ва сигнал чалиш тақиқланди. Магнитофон ва овоз чиқарувчи бошқа аппаратлар ҳамда двигател шовқинини белгиланган меъёрдан баланд овозда фойдаланиш мумкин эмас.

Ўзбекистон Журналистлари ижодий уюшмасида учрашув

Кеча Ўзбекистон Журналистлари ижодий уюшмаси раиси Олимжон Ўсаров ва Туркия Республикасининг Ўзбекистондаги элчихонаси Матбуот бўйича маслаҳатчиси Hamdi Turşucu ўртасида ишчи учрашув бўлиб ўтди.

Учрашув давомида Жаҳон матбуоти эркинлиги кунига бағишлаб аънанавий ўтказиб келинаётган "Олтин қалам" XVI Миллий мукофоти учун халқаро танловига Туркия Республикасининг Ўзбекистондаги элчихонаси томонидан таклиф этилаётган номинациялар муҳокама қилинди.

Маслаҳатчи Hamdi Turşucu Ўзбекистон — Туркия дипломатик алоқалари ўзбек матбуотида кенг ва теран ёритилаётганини эътироф этиб, айти йўналишда қўшимча номинация киритиш истагини билдирди.



